

ՄՅՈՒՆԻՔԻ ՄԱՐԶՊԵՏ ՌՈԲԵՐՏ ՂՈՒԿԱՍՅԱՆԻ ՇՆՈՐՀԱՎՈՐԱՆՔԸ՝ ԲՈՒԺԱՇԽԱՏՈՂՆԵՐԻՆ

21.06.2026



Միրելի՛ բուժաշխատողներ

Առողջապահության ոլորտի հարգելի՛ ներկայացուցիչներ

Մրտանց շնորհավորում եմ ձեզ մասնագիտական տոնի՝ Բուժաշխատողի օրվա առթիվ:

Այսօր Հայաստանի Հանրապետությունում ընթանում են առողջապահական համակարգի

արմատական և հեռանկարային բարեփոխումներ, որոնց նպատակն է ստեղծել որակյալ,

հասանելի և արդիական բժշկական ծառայություններ յուրաքանչյուր քաղաքացու համար:

Սակայն պետական քաղաքականությունը, նաև ենթակառուցվածքների զարգացմանն ու

վերագինմանն ուղղված յուրաքանչյուր ծրագիր հաջողված է դառնում միայն ոլորտի

աշխատակիցների մասնագիտական բարձր պատասխանատվության շնորհիվ: Դուք այն

առանցքն եք, որի վրա հենվում է այս մեծածավալ բարեփոխումների հաջողությունը:

Մյուսիքի մարզի բժշկական կենտրոնների, ամբուլատորիաների և բուժկետերի հարգելի՛

աշխատակիցներ, մեր տարածաշրջանի համար ձեր ամենօրյա աշխատանքն ունի նաև

ռազմավարական նշանակություն:

Շնորհակալություն եմ հայտնում ձեզ անդուլ նվիրումի, մեր բոլոր բնակավայրերում պատվով

ու բարձր գիտակցումով ձեր առաքելությունն իրականացնելու և մեր բնակիչների

առողջության պահպանման գործում ներդրած գնահատելի ջանքի համար:

Մաղթում եմ բոլորիդ ամուր առողջություն, անսպառ տոկունություն և մասնագիտական

նորանոր ձեռքբերումներ:

Թող ձեր քրտնաջան աշխատանքը միշտ փոխհատուցվի մեր քաղաքացիների առողջ

ժպիտներով և անկեղծ երախտագիտությամբ: